



## საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

---

### „გაზეთის სტატიების მატთანე“

„გაზეთის სტატიების მატთანე“, სახელმწიფო ბიბლიოგრაფიის ორგანო, რ-საც 1934-იდან გამოსცემს სულხან-საბა ორბელიანის სახ. საქართვე. სახელმწ. წიგნის პალატა (1938-მდე ეწოდებოდა „გაზეთის მატთანე“). პირველი რედაქტორი იყო მ. ბერძენიშვილი (1934). წლების განმავლობაში იცვლებოდა მისი პერიოდულობა. 1937 არ გამოცემულა. „გ. ს. მ.“ იყო ორკვირეული ბიბლიოგრაფიული ჟურნალი, რ-იც აღწერდა საქართველოს ტერიტორიაზე ქართ. და რუს. ენებზე გამოცემული რესპუბლიკური, საოლქო, საქალაქო, რ-ნული, საუნწყებო და ძირეული გაზეთების სტატიებს, დოკუმენტურ მასალას, ნარკვევებსა და მხატვრულ ნაწარმოებებს. მასალის განლაგება სისტემატური იყო სათანადოდ დადგენილი საკლასიფიკაციო სქემის მიხედვით, რ-იც 50 განყ-ბას მოიცავდა და მკითხველს ეხმარებოდა საგაზეთო მასალების თემატურ შერჩევაში. ჟურნალის ყოველ ნომერს დართული ჰქონდა გეოგრ. სახელთა საძიებლები ქართ. და რუს. ენებზე. ყოველი წლის დასაწყისში „გ. ს. მ-ის“ N1-ში თავსდებოდა სია იმ პერიოდული გამოცემებისა, საიდანაც ბიბლიოგრაფირებული იყო მასალა გამოცემისათვის. 1997 „გ. ს. მ-ს“ გამოცემა შეწყდა და ჟურნალის ეგზემპლარები გადაეცა საქართვე. პარლამენტის ეროვნ. ბიბლიოთეკის საარქივო ფონდს.

---